

að leggja gjöld á kærðan, eftir því sem hún telur vera að lögum, en ekki má inn- **95**  
heimta þau gjöld fyrr en máli því, er ræðir um í 6.—9. gr., er lokið, enda fer þá <sup>23. júní</sup>  
um greiðsluskylduna eftir niðurstöðu málsins.

## 11. gr.

Brot gegn lögum þessum varða sektum, allt að 1000 kr., og mál út af þeim skulu rekin sem almenn lögreglumál.

## 12. gr.

Lög þessi öðlast þegar gildi.

Eftir þessu eiga allir hlutaðeigendur sér að hegða.

*Gjört í Reykjavík, 23. júní 1936.*

Undir Vor konunglega hönd og innsigli.

**Christian R.**

(L. S.)

*Haraldur Guðmundsson.*

## L Ö G

um, að mjólkursamsalan í Reykjavík og sölusamband íslenzkra fiskframleiðenda **96**  
skuli vera undanþegin útsvari og tekju- og eignarskatti. <sup>23. júní</sup>

Vér Christian hinn Tíundi, af guðs náð konungur Íslands og Danmerkur, Vinda og Gauta, hertogi í Slésvík, Holtsetalandi, Stórmæri, Þéttmerski, Láenborg og Aldinborg,

*Gjörum kunnugt:* Alþingi hefir fallizt á lög þessi og Vér staðfest þau með samþykki Voru:

## 1. gr.

Mjólkursamsalan í Reykjavík og sölusamband íslenzkra fiskframleiðenda í Reykjavík, meðan það hefir löggildingu sem aðalútflytjandi saltfiskjar samkvæmt lögum, skulu undanþegin öllum tekju- og eignarskatti, svo og því að greiða aukaútsvar eftir eignum og ástæðum.

## 2. gr.

Lög þessi öðlast þegar gildi.

Eftir þessu eiga allir hlutaðeigendur sér að hegða.

*Gjört í Reykjavík, 23. júní 1936.*

Undir Vor konunglega hönd og innsigli.

**Christian R.**

(L. S.)

*Haraldur Guðmundsson.*